

BILAG

MISSINGIUT**Aningaasaateqarfiit aamma peqatigiiffiit ilaat pillugit inatsisip allangortinneqarnissaanut inatsisit assigiinngitsut Kalaallit Nunaannut atuutilersinneqarnissaat pillugu peqqussut**

UAGUT MARGRETHEP AAPPAAT, Danmarkip Dronningia Guutip saammaassineratigut, uppernarsarparput:

Eqqartuussisarnermik inatsisip aamma inatsisit allat assigiinngitsut allangortinneqarnissaannik inatsimmi (Sinniisuutitaqarneq pillugu inatsisip malitsigisaanik allannguutit) nr. 389, 14. juni 1995-imeersumi § 24, imm. 3, pillaasarnermik inatsisip, eqqartuussisarnermik inatsisip aamma inatsisit allat assigiinngitsut allangortinneqarnissaannik inatsimmi (Aningaasatigut pinerluttarnermut annertusisamik suliniutit) nr. 634, 12. juni 2013-imeersumi § 14, imm. 3, allagaatinik takunnissinnaaneq pillugu inatsisini aalajangersakkat il. il. allangortinneqarnissaannik inatsimmi (Ingerlatsinermi tamanut ammaneq pillugu inatsisip aamma ingerlatsineq pillugu inatsisip aamma eqqartuussisarnermik inatsisip malitsigisaannik allannguutit) nr. 639, 12. juni 2013-imeersumi § 32, imm. 4, aningaasaateqarfiit aamma peqatigiiffiit ilaat pillugit inatsisip allangortinneqarnissaannik inatsimmi (Aningaasaateqarfinnut mikisunut aningaasanut killissaritap qaffanneqarnera, tunissutinik agguaanermut periarfissap annertusinera, aningaasaateqarfiit aamma peqatigiiffiit ukiumoortumik naatsorsuutaannik il. il. Takunnissinnaaneq) nr. 734, 25. juni 2014-imeersumi § 3, piginneqatigiiffiit pillugit inatsisip, sulliviit inuussutissarsiutit ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinngitsut allangortinneqarnissaannik inatsimmi (Piginnittuiusut pillugit nalunaarsuineramik eqqussineq) nr. 262, 16. marts 2016-imeersumi § 14, imm. 1, katersineq il. il. pillugit inatsisip aamma aningaasaateqarfiit aamma peqatigiiffiit ilaat pillugit inatsisip allangortinneqarnissaannik inatsimmi (Inuit inatsisitigut pisussaaitaasut akornanni katersineq, testamenteqarnikkut iliuuseqarnerit il. il.) nr. 81, 30. januar 2019-imeersumi § 4 aamma piginneqatigiiffiit pillugit inatsisip, sulliviit inuussutissarsiutit ingerlatat ilaat pillugit inatsisip, inuussutissarsiutinik ingerlatsisut aningaasaateqarfiit pillugit inatsisip aamma inatsisit allat assigiinngitsut allangortinneqarnissaannik inatsimmi (Aningaasaatinik malunnarunnaarsaasarneq pillugu malitassaq 5.-ip malitsigisaanik piginnittuiusut pillugit malittarisassanik allanngineq) nr. 554, 7. maj 2019-imeersumi 14, mm. 1, malillugit aalajangerneqarpoq:

§ 1

Aningaasaateqarfiit aamma peqatigiiffiit ilaat pillugit inatsimmi, peqqussutikkut nr. 917, 15. december 1998-meersukkut Kalaallit Nunaannut atuutilersinneqartumi, makkua allangortinneqassapput:

1. Kapitali 1-imut qulequttami »Inatsisip atuuffia«-ta kingorna ikkunneqassaaq: »il. il.«

2. § 1-imi imm. 1-ip kingorna immikkoortut nutaatut ikkunneqassapput:

»Imm. 2. Uani inatsimmi aningaasaateqarfik imatut paasineqassaaq, inuk inatsisitigut pisussaatitaasoq, nalilinnik pigisaqartoq, pilersitsisup nalilinnik pigisaanut attuumassuteqanngitsunik, malittarisassani aalajangersarneqartumik imaluunniit aalajangersarneqartunik anguniagassanik isumaginninnissami, ukiuni arlariinni malinneqarsinnaasussanik, aningaasaateqarfimmut tigusisinnaanermik piginnaatitaaneq atuuttoq pilersitsisutut namminersortutut aqutsisusuusunut, aamma inuk inatsisitigut pisussaatitaasoq aningaasaateqarfiup avataaniittoq aningaasaateqarfiup pigisaanut nalilinnut piginnitussaassuseqanngitsoq.

Imm. 3. Malunnaatilimmik tunissuteqartut aamma tapiissuteqartut il. il. sutigut tamatigut aningaasaateqarfimmut pilersitsisumut naligitinneqassapput. Malunnaatilimmik tunissuteqartut aamma tapiissuteqartut il. il., aningaasaateqarfiup pilersinneqareerneraniit aningaasaateqarfimmut nalilinnik tunniussaqtartut pillugit paasissutissat, aningaasaateqarfiup oqartussaanut tunniussat tiguneqarneraniit sapaatip akunneri 4-t qaangiutsinnagit nassiunneqassapput.«

Taassuma kingorna imm. 2-5 imm. 4-7-nngussapput.

3. § 1, imm. 2, nr. 2-mi, imm. 4, nr. 2-nngortumi, ikkut »isumaginninneq pillugu Kalaallit Nunaannut inatsit«-ip kingorna ikkunneqassaaq: »Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat, aammalu kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat«.

4. § 1, imm. 2, nr. 5-mi, imm. 4, nr. 5-nngortumi, »§ 1, imm. 4 aamma 5,« allanngortinneqassaaq imaalillugu: »§ 3«.

5. § 1, imm. 3-mi, imm. 5-nngortumi, pkt. 2.-tut ikkunneqassaaq:
»Taamaattoq aningaasaateqarfik inatsimmi ilaatinneqanngissinnaanngilaq, oqartussaasoq, pkt. 1-imi taaneqartutut nakkutiginnittusoq, aningaasaateqarfimmi pilersitsisuuppat.«

6. § 1, imm. 4, pkt. 1., imm. 6, pkt. 1.-nngortoq, imatut allanneqassaaq:
»Aningaasaateqarfiit, pigisaat nalillit 1 mio. kr.-niusut imaluunniit qaffasinnerusut, inatsimmi ilaatinneqanngillat.«

7. § 1, imm. 4, pkt. 2.-mi, der bliver imm. 6, pkt. 2.-nngortumi, »-mi aalajangersakkat« kingorna ikkunneqassaaq: »§§ 3 a aamma 3 c,«.

8. § 1, imm. 5-imi, imm. 7-nngortumi, »imm. 2, nr. 1-3, 6 imaluunniit 7, imaluunniit imm. 4, imaluunniit imm. 3 malillugit inatsimmi ilanngunneqanngitsut« allanngortinneqassaaq imaalillugu: »imm. 4, nr. 1-3, 6 imaluunniit 7, imaluunniit imm. 6, imaluunniit imm. 5 malillugit inatsimmi ilanngunneqanngitsut«.

9. I § 1-imi imm. 8-tut ikkunneqassaaq:

»Imm. 8. §§ 3 a aamma 3 c aningaasaateqarfinnut aamma atuupput, imm. 4, nr. 1-3, 6 imaluunniit 7 malillugit inatsimmi pineqartunut ilaangitsut, imaluunniit imm. 5 malillugit inatsimmi ilanngunneqanngitsut.«

10. Kapitoli 2-p kingorna ikkunneqassaaq:

»Kapitali 2 a

Piginnittuiusunik nalunaarsuineq

§ 3 a. Aningaasaateqarfimmik piginnittuiusut pillugit paasissutissanik aningaasaateqarfik piniassaaq, tak. § 3 c, tassunga ilagitillugit piginnittuiusut pisinnaatitaaffii pillugit paasissutissat.

Imm. 2. Aningaasaateqarfimmiit noqqaasoqarneratigut aningaasaateqarfimmik piginnittuiusut paasissutissanik aningaasaateqarfik pilersussavaat imm. 1 malillugu aningaasaateqarfiup piniassallugit pisussaaffigisaanik.

Imm. 3. Imm. 1 malillugu aningaasaateqarfiup paasissutissat Erhvervsstyrelsenip it-kkut atortorissaarutaani nalunaarsussavaat, piaarnerpaamik aningaasaateqarfiup ilisimasaqalerneraniit inuk piginnittuiusunngortoq. Piginnittuiit pillugit paasissutissanik nalunaarsukkanik allanngiineq nalunaarsorneqassaaq, piaanerpaamik aningaasaateqarfiup allanngiineq pillugu ilisimasaqalerneraniit.

Imm. 4. Aningaasaateqarfik ikinnerpaamik ukiumut ataasiarluni misissortassavaa, piginnittuiusut pillugit paasissutissanik nalunaarsukkanik allanngortoqarsimanersoq.

Imm. 5. Aningaasaateqarfiup piginnittui pillugit paasissutissat piniarneqarsimasat pillugit uppersaatait piginnittuiunerup taamaatinneraniik ukiuni 5-ni aningaasaateqarfiup toqqortaatigissavai. Aningaasaateqarfiup aammattaaq piginnittuinnik kinaassusersiineramik misiliineq pillugu paasissutissat aasimasat kinaassusersiineramik misiliinerup naammassinerata kingorna ukiuni 5-ni toqqortaatigissavai.

Imm. 6. Noqqaasoqareerneratigut aningaasaateqarfiup piginnittuiit pillugit paasissutissat politinut unnerluussisussaataasunullu tunniutissavai, tassunga ilagitillugu aningaasaateqarfiup aningaasaateqarfimmik piginnittuiusut pillugit kinaassusersiineramik misiliinera. Aammattaaq noqqaasoqareerneratigut aningaasaateqarfiup paasissutissat taaneqartut allanut oqartussaqaarfinnut piginnaatitaasunut tunniutissavai, taakkua oqartussaqaarfiit naliliippata, nakkutiginninnermik imaluunniit misissuineramik suliaqarnerminnut paasissutissat pisariaqartillugit.

Imm. 7. Politiit, unnerluussisussaataasut aamma oqartussat allat piginnaatitaasut aningaasarsissutiginaagu piginnittuiit pillugit paasissutissat nalunaarsorneqarsimasut ingerlateqqissinnaavaat, tak. imm. 3, imaluunniit piniarneqarsimasut, tak. Imm. 6, naalagaaffiit EU-mut ilaasortaasut oqartussaqaarfiinut aamma aningaasaqarnermut tunngasunik paasiniaasartuinut.

Imm. 8. Erhvervsstyrelsenip imm. 1 aamma 3 malillugu paasissutissat Erhvervsstyrelsenip it-kkut atortorissaarutaani nalunaarsorneqartarnerinut, pissarsiarineqarsinnaanerinut aamma saqqummiunneqartarnerinut malittarisassat aalajangersassavai, tassunga ilagitillugu aningaasaateqarfiup suut styrelsenip it-kkut atortorissaarutaani nalunaarsussanera.

§ 3 b. Aningaasaateqarfiit, piginnittuiusut pillugit paasissutissanik piniartussat, toqqortaateqartussat aamma nalunaarsuisussat, tak. § 3 a, noqqaasoqarneratigut inuit aamma suliffeqarfiit, aningaasaatinik malunnarunnaarsaasarneq pillugu inatsit malillugu pisisartunik nalunngisaqarnissaq pillugu suleriaatsinik ingerlatsisussat, aningaasaateqarfimmik piginnittuiusut pillugit paasissutissanik pilersussavaat.

Imm. 2. Aningaasaateqarfiup oqartussaasui Erhvervsstyrelsenimit aningaasaatinik malunnarunnaarsaasarneq pillugu inatsit malillugu piginnittuiusut pillugit nalunaarsukkanut tunngatillugu eqqunngitsoqarneranik nalunaarutiginninnermik tigusaqarunik, aningaasaateqarfiup oqartussaasui pisoq pillugu misissuissapput, tak. § 34.

Imm. 3. Aningaasaateqarfiup oqartussaasuinit noqqaasoqarneratigut Erhvervsstyrelseni misissuinnermut peqatigitillugu, tak. imm. 2, nalunaarutiginninneq pillugu Erhvervsstyrelsenip it-kkut atortorissaarutaani nalunaarummik saqqummiussisinnaapput, pisup aaqqiivigineqarnissaata tungaanut. Nalunaarutiginninneq pillugu aningaasaateqarfik akerliliinissamut periarfissaqassaaq, saqqummiussineq tamanna pitinnagu, imaassimangippat nalunaarutiginninneq pillugu nalunaarummik saqqummiussinerup siunertarisaa taamaalilluni isumaaruttoq.

§ 3 c. Aningaasaateqarfimmik piginnittuittut taanna imaluunniit inuit isigineqarpoq/put, toqqaannartumik imaluunniit toqqaannangitsumik aningaasaateqarfimmik aqutsisoq/sut imaluunniit piginnittutuut piginnaatitaasoq/sut, tassunga ilagitillugit

1) aningaasaateqarfiup siulersuisui aamma

2) inuit immikkut iluaquserneqartut imaluunniit, inuit ataasiakkaat, aningaasaateqarfiup agguagaannik iluaquteqartut, aningaasaateqarfimmit suli ilisimaneqanngitsut, inuit eqimattat, aningaasaateqarfiup pilersinneqarneranik imaluunniit ajunngitsumik ingerlaneranik pingaarnerusutut soqutigisaqartut.«

11. § 4, imm. 1, nr. 1-imi, »aningaasaateqarfiup aqqa«-p kingorna ikkunneqassaaq: »aamma atequteqaataasinnaasut«.

12. § 4, imm. 1-imi, nr. 1-ip kingorna normutut nutaatut ikkunneqassaaq:

»2) aningaasaateqarfimmik pilersitsisoq (pilersitsisut),«.

Nr. 2-8 taassuma kingorna nr. 3-9-nngussapput.

13. § 4, imm. 2, pkt. 2. aamma 3., atorunnaassapput.

14. 6, imm. 1, pkt. 1-imi, »250.000 kr.-it sinneqartunik« allanngortinneqassaaq imaalillugu: »ikinnerpaamik 1 mio. kr.-nik«

15. § 6, imm. 2-mi »250.000 kr.-nik imaluunniit ikinnerusunik« allanngortinneqassaaq imaalillugu: »1 mio. kr.-nit ataallugit«

16. § 7, *imm. 1, nr. 1-imi*, »tassunga,«-p kingorna ikkunneqassaaq: »aamma«.

17. § 7, *imm. 1, nr. 2*, atorunnaassaaq.

Nr. 3 taassuma kingorna nr. 2-nngussaaq.

18. I § 7-mi *imm. 1-ip* kingorna immikkoortutut nutaatut ikkunneqassaaq:

»*Imm. 2.* Aningaasaateqarfiup siulersuisuisa aalajangissavaat, pigisat nalillit, kingusinneruskkut aningaasaateqarfiup kingornussatut imaluunniit tunissutitut pigiligassai, imaluunniit tassunga taarsiullugu atuutilertussaq, atorneqassasut agguaanermut imaluunniit aningaasaateqarfiup pigisaanut nuunneqassasut, imaassimangippat kingornussititsisoq imaluunniit tunissuteqartoq tamatumunnga aalajangersagaqarsimasoq. Tamatumunnga aalajangiineq naatsorsuutit saqqummiunneqarneranni kingusinnerpaamik pissaaq. Tamanna pitinnagu aalajangiineq pisimangippat, kingornussat imaluunniit tunissutit aningaasaateqarfiup pigisaanut nuunneqassapput. Tamatuma saniatigut § 27, *imm. 1*, assinganik atuutissaaq.«

Imm. 2-4 taasuma kingorna *imm. 3-5-nngussapput*.

19. § 7, *imm. 3-mi*, *imm. 4-nngortumi*, »*imm. 1* aamma 2« allanngortinneqassaaq imaalillugu: »*imm. 1* aamma 3«.

20. § 9, *imm. 2, pkt. 1-imi*, »aamma kommunimi aningaasaateqarfiup angerlarsimaffigisaani akileraarternermut oqartussa qarfimmu« piissaaq.

21. § 10, *pkt 1.*, imatut allanneqassaaq:

»Siulersuisuni ilaasortat aamma pisortaanerit oqartussaaneq pillugu inatsimmut peqqussut nr. 306, 14. maj 1993-imeersoq malillugu imminnut oqartussaaffigissapput aammalu sinniisuutitaqarnerup ataaniissanngillat imaluunniit sinniisuutitaqatiigiinnerup ataaniissanngillat.«

22. § 11, *imm. 4-mi*, »erseqqissumik« piissaaq.

23. § 22, *sim. 1, pkt. 1.*, imatut allanneqassaaq:

»Kukkunersuiisoq oqartussaaneq pillugu inatsimmut peqqussut nr. 306, 14. maj 1993-imeersoq malillugu imminnut oqartussaaffigissapput aammalu sinniisuutitaqarnerup ataaniissanngillat imaluunniit sinniisuutitaqatiigiinnerup ataaniissanngillat.«

24. § 29, *imm. 1, pkt. 2.-mi*, »ukununnga atuuppoq«-p kingorna ikkunneqassaaq: »inuit taaneqartut meeraat ukiukitsut aamma«.

25. § 40, *imm. 1*-imi, »Makkuninnga nioqquitsineq«-p kingorna ikkunneqassaaq: »§ 3 a, *imm. 3*, 5 aamma 6,«.

26. § 40, *imm. 2, nr. 1*-imi, »imaluunniit § 38« piissaaq.

27. § 40, *imm. 4, pkt. 1.*, »§§ 27-30« allanngortinneqassaaq imaalillugu: »§§ 48 aamma 49, § 50, *imm. 1* aamma 3, aamma § 55«.

28. § 40, *imm. 4, pkt. 2.*, »§§ 27-29« allanngortinneqassaaq imaalillugu: »§§ 48 aamma 49 aamma § 50, *stk. 1* aamma 3,«.

29. § 40-mi *imm. 5*-itut ikkunneqassaaq:

»*Imm. 5.* Inatsimmi aalajangersakkanik imaluunniit inatsit malillugu malittarisassanik atuutilersinneqartunik unioqquitsinerit pisoqalinissaannut ukiut 5-t piffissatut killiliussaapput.«

30. § 42, *imm. 1, nr. 4*, atorunnaassaaq.

Nr. 5 aamm 6 taassuma kingorna nr. 4 aamma 5-nngussapput.

31. § 42, *imm. 2*-mi, »nr. 1 aamma 5,« allanngortinneqassaaq imaalillugu: »nr. 1 aamma 4,«.

32. § 43 imatut allanneqassaaq:

»§ 43. Kinaluunniit aningaasaateqarfimmik oqartussaasuniit aningaasaateqarfiup ukiumoortumik naatsorsuutaasa assilinerinik pissarsisinnaavoq. Pisortat ingerlatsinerat pillugu paasitinneqarsinnaatitaaneq pillugu inatsisit §§ 30 aamma 34 assinganik atuutissapput.

Imm. 2. *Imm. 1* malillugu noqqaaneq pillugu suliaqarnissamut aningaasaateqarfik pisussaavoq piaarnerpaamik aamma sapaatip akunneri marluk iluini ukiumut naatsorsuutit assilinerinik aningaasaatarfiup oqartussaasuinut taakkua noqqaaneratigut nassiussinissamut.«

33. § 44, *imm. 2, pkt. 2.*, imatut allanneqassaaq:

»Malittarisassanik allannguinerit kingusinnerpaamik allannguinerit akuerineqarneraniit sapaatip akunneri 4-t qaangiutsinnagit nassiunneqassapput.«

34. § 45-mi »§ 44, *imm. 2*-p aamma § 46, *imm. 2*,«-p kingorna ikkunneqassaaq: »pkt. 1.,«.

35. § 46, *imm. 2, pkt. 2.*, imatut allanneqassaaq:

»Kingusinnerusukkut pisortat inissititigaanerat pillugu nalunaarut, allannguinerup akuerineqarneraniit kingusinnerpaamik sapaatip akunneri 4-t qaangiutsinnagit nassiunneqassaaq.«

36. § 48-p kingorna ikkunneqassaaq:

»§ 48 a. Peqatigiiffimmut piginnittuiit pillugit paasissutissanik peqatigiiffik piniassaaq, tak. § 48 b, tassunga ilagitillugit piginnittuiit pisinnaatitaaffii pillugit paasissutissat.

Imm. 2. Peqatigiiffiup noqqaaneratigut peqatigiiffiup imm. 1 malillugu peqatigiiffiup piniassallugit pisussaaffigisaanik peqatigiiffik pilersussavaa.

Imm. 3. Peqatigiiffik imm. 1 malillugu paasissutissat Erhvervsstyrelsenip it.-kkut atortorissaarutaani nalunaarsussavai, piaarnerpaamik peqatigiiffiup ilisimasalerneraniit, inuk piginnittuiusunnngorsimasooq. Piginnittuiit pillugit paasissutissanik nalunaarsukkanik allannguipeq sunaluunniit, nalunaarsorneqassaaq, piaarnerpaamik peqatigiiffiup allannguinermik ilisimasaqalerneraniit.

Imm. 4. Peqatigiiffiup ikinnerpaamik ukiumut ataasiarluni misissortassavaa, piginnittuiit pillugit paasissutissanik nalunaarsukkanik allanngortoqarsimanersoq.

Imm. 5. Peqatigiiffimmut piginnittuiusut pillugit paasissutissat piniarneqarsimanerannut uppernarsaat peqatigiiffiup piginnittuiunerup taamaatinneqarneraniit ukiuni 5-ni toqqortaaticissavaa. Aammattaaq peqatigiiffiup piginnittuiusut kinaassusersineqarnerannik misiliineq pillugu paasissutissat piniarneqarsimasut pillugit uppernarsaat kinaassusersiinermik misiliinerup naammassineqarneraniit ukiuni 5-ini toqqortaaticissavaa.

Imm. 6. Noqqaasoqarneratigut peqatigiiffiup peqatigiiffimmut piginnittuiit pillugit paasissutissat politinut unnerluussisussaataasunullu tunniutissavai, tassunga ilagitillugu peqatigiiffiup peqatigiiffimmut piginnittuiusut kinaassusersiniarlugit misiliinera. Aammattaaq noqqaasoqarneratigut peqatigiiffiup paasissutissat taaneqartut oqartussa qarfinnut piginnaatitaasunut allanut tunniutissavai, taakkua oqartussa qarfiit naliliippata, nakkutilliinermik aamma misissuinermik suliaassanik isumaginninnerminnut paasissutissat pingaaruteqartut.

Imm. 7. Politiit, unnerluussisussaataasut aamma oqartussa qarfiit piginnaatitaasut allat akissarsiaqaatiginagu piginnittuiusut pillugit paasissutissat nalunaarsorneqarsimasut ingerlateqiisiinnaavaat, tak. imm. 3, imaluunniit piniarneqarsimasut, tak. imm. 6, naalagaaffiit EU-mut ilaasortaasut oqartussa qarfiinut piginnaatitaasunut aamma aningaasaqarnermik paasiniaasartuinut.

Imm. 8. Paasissutissat Erhvervsstyrelsenip it.-kkut atortorissaarutaani imm. 1 aamma 3 malillugu nalunaarsorneqarneri, piniarneqarneri aamma saqqummiunneqarneri pillugit malittarisassanik Erhvervsstyrelseni aalajangersaassaaq, tassunga ilagitillugu paasissutissat suut peqatigiiffiup styrelsenip it.-kkut atortorissaarutaani nalunaarsussanera.

§ 48 b. Peqatigiiffimmik piginnittutut isigisaapput inuk imaluunniit inuit, toqqaannartumik imaluunniit toqqaannangitsumik peqatigiiffimmik aqutsisut imaluunniit allatut piginnittutut piginnaatitaasut, tassunga ilagitillugit

1) peqatigiiffimmik aallartitsisut,

2) peqatigiiffiup siulersuisui aamma

3) inuit immikkut iluaquserneqartut imaluunniit, inuit ataasiakkaat, aningaasaateqarfiup agguagaannik iluaquteqartut, aningaasaateqarfimmit sulii ilisimaneqanngitsut, inuit eqimattat, aningaasaateqarfiup pilersinneqarneranik imaluunniit ajunngitsumik ingerlaneranik pingaarnerusutut soqutigisaqartut.

§ 48 c. Noqqaasoqarneratigut peqatigiiffiit peqatigiiffimmik piginnittuiusut pillugit paasissutissanik pilersussavaat inuit aamma suliffeqarfiit, aningaasanik malunnarunnaarsaasarneq pillugu inatsit malillugu kifartuussanik ilisimanninneq pillugu periutsinik suliaqartussat.

Imm. 2. Civilstyrelseni Erhvervsstyrelsenimiit aningaasanik malunnarunnaarsaasarneq pillugu inatsit malillugu paasissutissat nalunaarsorneqarsimasunut tunngatillugu eqqunngitsoqarneranik nalunaarutiginninnernik tigusaqarunik, Civilstyrelseni pisoq pillugu misissuineramik ingerlatsissaaq.

Imm. 3. Civilstyrelsenip noqqaaneratigut Erhvervsstyrelseni misissuinermut ilutigitillugu, tak. Imm. 2, nalunaarutiginninneq pillugu nalunaarummik Erhvervsstyrelsenip it-kkut atortorissaarutaani saqqummiussisinnaavoq, pisup aaqqiivigineqarnissaata tungaanut. Nalunaarutiginninneq pillugu peqatigiiffik akerliliinissamut periarfissaqassaaq, saqqummiussineq tamanna pitinnagu, imaassimanngippat nalunaarutiginninneq pillugu nalunaarummik saqqummiussinerup siunertarisaa taamaalilluni isumaaruttoq.

§ 48 d. Civilstyrelseni piumasqaateqarsinnaavoq, peqatigiiffiup siulersuisuiniit, kukkunersuisuaniit imaluunniit allaniit peqatigiiffimmi pissutsinik ilisimannittuniit, peqatigiiffiup § 48 malillugu pisussaaffimminik naammassisimaneranut paasissutissat pisariaqartutut Civilstyrelsenip naliligaanik tunniussinissamik.

Imm. 2. Civilstyrelsenip peqatigiiffik peqqusinnaavaa, pisut § 48 a-mut akerliusut aaqqinneqarnissaannik.«

37. § 50-imi »amma § 46, imm. 2,« allanngortinneqassaaq imaalillugu: »§ 46, imm. 2, aamma § 48 a, imm. 3, 5 aamma 6, aamma § 48 d, imm. 1 malillugu paasissutissanik tunniussinnginneq, imaluunniit § 48 d, imm. 2 malillugu peqqusummik eqquutsitsinnginneq.«.

38. § 52, *imm. 1*, atorunnaassaaq, aamma taarsiullugu ikkunneqassaaq:

»Akileraartarnermut oqartussaasunit kinaluunniit peqatigiiffiup ukiumut naatsorsuutaasa assilinerinik pissarsisinnaavoq. Ingerlatsinermi tamanut ammaneq pillugu inatsimmi § 12 assinganik atuutissaaq.

Imm. 2. Imm. 1 malillugu noqqaanermik suliaqarnissamut tunngatillugu, peqatigiiffik pisussaavoq, ukiumut naatsorsuutit assilinerinik akileraartarnermut oqartussaasunut piaarnerpaamik aamma sapaatip akunneri 2-t qaangiutinnginnerini nassiussinissamut.«

Imm. 2 taassuma kingorna imm. 3-nngussaaq.

§ 2

Imm. 1. Justitsministeriaqarfiup peqqussutip atuutilerfissaa qaquguussanersoq aalajangissavaa. Ministerip tassani aalangiiffigisinnaavaa peqqussutit ilai piffissani assigiinngitsuni atuutilersinneqarnissaat.

Imm. 2. Justitsministeriaqarfiup aningaasaateqarfinnut peqatigiiffinnullu immikkut ittumik ikaarsaariarnermi aaqqiinnermi inatsisiliisinnaavoq, peqqussummut taassumalu suliasaqarfiinut naapertuuttumik.

Imm. 3. Malittarisassat inatsimmit atuutsilersinneqartut Kalaallit Nunaanni atuutsinneqanngillat.

Amalienborgimi tunniunneqarpoq, ulloq...

Kunngit Uppernarsaavugut aamma Naqissusiivugut

MARGRETHE R.

/ Nick Hækkerup